

以圖修撰黃三省李選副修撰具思孟柳永吉正字具鳳齡進劄

子曰伏以災不虛生由人所召箕範五事之徵戴記時令之應非厚誣也自近年以來天災時變非惟無歲不有而亦無地不然冬雷失節后土屢震仁愛之天譴告於殿下者非一再矣

今者太白晝見殆無虛日終至於經天當伏不伏抗日干正變異之大無過於此殿下惕然警懼特下博考之命臣等亦感

殿下遇災側身欲消去之意也雖不敢指以為某事某政之失而歷觀前代未嘗不出於昏亂之時則豈可諉諸天道之遠而不盡應之之實乎六事之責躬八章之罪已桑穀之枯死熒惑之退舍皆由於敬畏之實則轉災為祥消禍為福祗在殿下修省之道如何耳伏願殿下克謹天戒終始此心幸甚答曰災由否德予心兢惶今聞忠言當留念焉○午時太白在伏段不伏經天三月庚戌朔夜乾巽西南方及天中如火氣

辛亥政院以

中宗朝以前太白晝見之日考啓

世宗朝乙巳

日十七日二十一日二十二日二十三  
日二十四日二十五日二十六日二十七日二十八日二十九日三十日  
癸丑年閏八月十六日丙寅年六月十八日己巳